

10.07.2026

UKA2026/286

Inatsisartut Suleriaasianni § 36 naapertorlugu apeqquteqaat aallaavigalugu oqallinnissamik siunnersuut imaattoq matumuuna saqqummiuppara:

Kalaallit Nunaata Nunat Avannarliit Siunnersuisoqatigiivinit peqataanini nangittariaqarneraa, imaluunniit peqataanini unitsillugu Issittumi nunatut nammineq soqutigisani tunngavigalugit toqqaannartumik suleqatigiinnermut ikaarsaartariaqarneraa pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Pele Broberg, Naleraq)

Kalaallit Nunaat Europap avannaaniinngilaq; Kalaallit Nunaat Issittumi nunaavoq. Oqaatsivut, kulturperput oqaluttuarisaanerpuunniit Issittumi Inuit kulturiannit aallaaveqarput. Nunat Avannarliit suleqatigiinnerannut peqataanerput Danmarkimut attuumassuteqarnermit aallaaveqarpoq, Kalaallit Nunaata namminersortutut naligiissitaasumillu naalagaaffiuneranik tunngaveqarani.

Helsinkimi isumaqatigiissut Danmarkip, Finlandip, Islandip, Norgep Sverigellu akornanni atsiorneqarpoq, Kalaallit Nunaallu nammineerluni isumaqatigiissuteqarfiunngilaq. 2026-mi isumaqatigiissutip allanngortinnissaanut kommissionimik pilersitsisoqarnera Kalaallit Nunaata, Savalimmiut Ålandillu naligiinnerusumik peqataasinnaaneranik apeqqut nutaamik qaqitsivoq.

Naleraq isumaqarpoq oqallisigineqartariaqartoq Kalaallit Nunaat Nunat Avannarliit Siunnersuisoqatigiiviniiginnassanersoq, imaluunniit peqataanini unitsillugu Issittumi nunatut nammineq soqutigisani tunngavigalugit suleqatigiinnermut toqqaannartumut ikaarsaassanersoq.

Nunat Avannarliit Siunnersuisoqatigiiffianniit anineq Danmarkimik, Norgemik, Sverigemik, Finlandimik, Islandimik Savalimmiunilluunniit suleqateqarnerup unitsinnissaanik isumaqartariaqanngilaq. Ilinniartitaaneq, peqqinneq, ilisimatusarneq, kulturi, niuernerq piareersarnerlu pillugit suleqatigiinneq immikkut isumaqatigiissutit aqqutigalugit ingerlaqqissinnaanersoq oqallisigineqartariaqarpoq.

Taamaattumik Naleraq apeqquteqaat aallaavigalugu oqallinnermi ammasumik oqallisigerusuppaa Kalaallit Nunaata nunat tamalaat akornanni inissisimanera qanoq Issittumi inissisimanitsinnik, nammineq soqutigisatsinnik nunallu inoqqaavinut attaveqarnermik aallaaveqarnerusinnaanersoq. Oqallinneq aalajangersimasumik aninissamik aalajangiinissamik piumasaqaateqanngilaq.